



Broj: 101-1995/25

Mostar, 29.5.2025. godine

Na osnovu člana 72. Statuta Univerziteta „Džemal Bijedić“ u Mostaru, Senat Univerziteta, na 172. sjednici održanoj 29.5.2025. godine, donio je

ODLUKU

o usvajanju Pravilnika o uslovima, kriterijima i postupku prijema studenata u Studentski dom „Antalija“ Univerziteta „Džemal Bijedić“ u Mostaru

I

Usvaja se Pravilnik o uslovima, kriterijima i postupku prijema studenata u Studentski dom „Antalija“ Univerziteta „Džemal Bijedić“ u Mostaru.

II

Sastavni dio ove odluke čine:

1. Pravilnik o uslovima, kriterijima i postupku prijema studenata u Studentski dom „Antalija“ Univerziteta „Džemal Bijedić“ u Mostaru,
2. Obrazac 1 - Prijava za prijem u Studentski dom „Antalija“ i
3. Obrazac 2 – Molba za prijem u Studentski dom „Antalija“.

III

Odluka stupa na snagu danom donošenja.

PREDSJEDAVAJUĆA SENATA

UNIVERZITETA „DŽEMAL BIJEDIĆ“ U MOSTARU

prof. dr. Alena Huseinbegović, rektorica



Dostaviti:

1. Fakultetima
2. Univerzitetskim studijima
3. Uniji studenata
4. Rukovodiocu Studentskog doma „Antalija“
5. Referentu za odnose s javnošću (za objavu na web stranici)
6. a/a



**PRAVILNIK
O USLOVIMA, KRITERIJIMA I POSTUPKU PRIJEMA STUDENATA U
STUDENTSKI DOM "ANTALIJA" UNIVERZITETA "DŽEMAL BIJEDIĆ"
U MOSTARU**

Sadržaj:

OPŠTE ODREDBE	3
USLOVI ZA PRIJEM STUDENATA U STUDENTSKI DOM “ANTALIJA”	3
KRITERIJI ZA PRIJEM STUDENATA U STUDENTSKI DOM “ANTALIJA”	4
POSTUPAK I ORGANI NADLEŽNI ZA PRIJEM STUDENATA U STUDENTSKI DOM “ANTALIJA”	6
SMJEŠTAJ STUDENATA U STUDENTSKE DOMOVE	9
OTKAZ UGOVORA	10
PRELAZNE I ZAVRŠNE ODREDBE	10

Na osnovu člana 39. Zakona o visokom obrazovanju u Hercegovačko-neretvanskom kantonu, te člana 257. Stav (3) Statuta “Džemal Bijedić” u Mostaru, Senat Univerziteta je na sjednici održanoj dana 29. maja 2025. godine donio

PRAVILNIK O USLOVIMA, KRITERIJIMA I POSTUPKU PRIJEMA STUDENATA U STUDENTSKI DOM ”ANTALIJA” UNIVERZITETA “DŽEMAL BIJEDIĆ” U MOSTARU

OPŠTE ODREDBE

Član 1.

Pravilnikom o uslovima kriterijima i postupku prijema studenata u Studentski dom “Antalija” Univerziteta “Džemal Bijedić” u Mostaru (u daljem tekstu: **Pravilnik**) uređuju se: uslovi, kriteriji, postupak i organi nadležni za prijem studenata u studentski dom, smještaj studenata, otkaz ugovora o prijemu studenata u Studentski dom “Antalija” Univerziteta “Džemal Bijedić” u Mostaru (u daljem tekstu: **Dom**).

USLOVI ZA PRIJEM STUDENATA U STUDENTSKI DOM “ANTALIJA”

Član 2.

(1) Pravo na prijem u Dom imaju redovni studenti Univerziteta “Džemal Bijedić” u Mostaru (u daljem tekstu: **Univerzitet**) pod sljedećim uslovima:

1. da su prvi put upisali prvu, odnosno narednu godinu studija
2. da je mjesto njihovog prebivališta, odnosno boravišta udaljeno od Mostara više od 20 kilometara

(2) Ukoliko smještajne kapacitete u Domu ne popune redovni studenti koji prvi put upisuju prvu, odnosno narednu godinu studija, te DL studenti koji pohađaju nastavu *in class*, pravo na prijem u Dom imaju redovni studenti koji obnavljaju godinu, kao i studenti u statusu studenta apsoluta, studenti upisani na II ciklus studija u statusu redovnog studenta, te DL studenti.

(3) Pravo prijave na konkurs imaju svi student iz stava (1) i (2) ovoga člana.

(4) Student kojem je u tekućoj akademskoj godini izrečena disciplinska mjera isključenja s fakulteta/univerzitetskog studija ili isključenje iz Doma ne može biti primljen u Dom u narednoj akademskoj godini.

KRITERIJI ZA PRIJEM STUDENATA U STUDENTSKI DOM “ANTALIJA”

Član 3.

Rangiranje studenata za prijem u Dom vrši se na osnovu sljedećih kriterija:

1. uspjeh u studiju 40 bodova
2. materijalni položaj 35 bodova
3. pravo prioriteta pri smještaju 25 bodova
4. osvojene nagrade u toku školovanja u nastavnim i sportskim takmičenjima (na međunarodnim, državnim, federalnim, kantonalnim takmičenjima) 5 bodova

Član 4.

Po kriteriju uspjeha u studiju studentu pripada sljedeći broj bodova:

1. za ostvarenu prosječnu ocjenu 9,0 do 10 u prethodnoj godini studija, odnosno prosječnu ocjenu 5 u srednjoj školi za studente prve godine 40 bodova
2. za ostvarenu prosječnu ocjenu 8,0 do 8,9 u prethodnoj godini studija, odnosno prosječnu ocjenu 4,0 do 4,9 u srednjoj školi 30 bodova
3. za ostvarenu prosječnu ocjenu 7,0 do 7,9 u prethodnoj godini studija, odnosno prosječnu ocjenu 3,0 do 3,9 u srednjoj školi 20 bodova
4. za ostvarenu prosječnu ocjenu 6,0 do 6,9 u prethodnoj godini studija, odnosno prosječnu ocjenu 2,0 do 2,9 u srednjoj školi 10 bodova

Član 5.

Po kriteriju materijalni položaj, studentu pripada sljedeći broj bodova:

1. bez prihoda po domaćinstvu 35 bodova

Član 6.

Po kriteriju prioriteta pri smještaju, studentu pripada sljedeći broj bodova:

1. studentu bez roditeljskog staranja 30 bodova
2. studentu iz porodice šehida ili poginulog borca (uža porodica) 20 bodova
3. student invalid:
 - i. invalidnost od 70% do 100% 25 bodova
 - ii. invalidnost od 50% do 69% 20 bodova

- | | |
|---|-----------|
| iii. invalidnost do 50% | 15 bodova |
| 4. studentu kojem je uži član porodice invalid: | |
| i. invalidnost od 70% do 100% | 20 bodova |
| ii. invalidnost od 50% do 69% | 15 bodova |
| iii. invalidnost do 50% | 10 bodova |
| 5. studentu RVI: | |
| i. invalidnost od 70% do 100% | 25 bodova |
| ii. invalidnost od 50% do 69% | 20 bodova |
| iii. invalidnost do 50% | 15 bodova |
| 6. studentu kojem je uži član porodice RVI: | |
| i. invalidnost od 70% do 100% | 20 bodova |
| ii. invalidnost od 50% do 69% | 15 bodova |
| iii. invalidnost do 50% | 10 bodova |
| 7. studentu demobilisanom borcu oružanih snaga BiH | 10 bodova |
| 8. studentu iz porodice demobilisanog borca oružanih snaga BiH (uža porodica) | |
| | 5 bodova |
| 9. student koji ima status izbjeglog ili raseljenog lica | 5 bodova |
- Članovima uže porodice smatraju se bračni partner, djeca i roditelji koje student izdržava živeći u zajedničkom domaćinstvu.

Član 7.

Po kriteriju osvojene nagrade u toku školovanja u nastavnim i sportskim takmičenjima (na međunarodnim, državnim federalnim, kantonalnim takmičenjima) studentu pripada sljedeći broj bodova:

- za osvojeno 1. mjesto na takmičenjima 5 bodova
- za osvojeno 2. mjesto na takmičenjima 3 boda
- za osvojeno 3. mjesto na takmičenjima 2 boda

U slučaju više osvojenih mjesta na takmičenjima u obzir se uzima samo jedno mjesto koje nosi najviše bodova.

Član 8.

U slučaju ostvarenog istog broja bodova na rang listi, prednost pri prijemu student ostvaruje po sljedećem redoslijedu:

1. student bez roditeljskog staranja
2. student iz porodice šehida ili poginulog borca (uža porodica)
3. student koji je ostvario veću prosječnu ocjenu
4. student bez prihoda po domaćinstvu
5. student invalid ili student kojem je uži član porodice invalid s većim procentom invalidnosti pri čemu se uzima u obzir stepen invalidnosti od 70% do 100%
6. student RVI ili student iz porodice RVI s većim procentom invalidnosti pri čemu se uzima u obzir stepen invalidnosti od 70% do 100%
7. student demobilisani borac oružanih snaga BiH ili student iz uže porodice demobilisanog borca oružanih snaga BiH
8. student koji ima status izbjeglog ili raseljenog lica
9. student po kriteriju osvojene nagrade u toku školovanja u nastavnim i sportskim takmičenjima (na međunarodnim, državnim federalnim, kantonalnim takmičenjima)

POSTUPAK I ORGANI NADLEŽNI ZA PRIJEM STUDENATA U STUDENTSKI DOM “ANTALIJA”

Član 9.

(1) Prijem studenata u Dom vrši se na osnovu javnog konkursa, koji za svaku akademsku godinu raspisuje Senat Univerziteta.

(2) Konkurs se objavljuje u sredstvima javnog informisanja i na web stranicama Doma i Univerziteta.

(3) Dužina trajanja konkursa utvrđuje se odlukom Senata.

(4) Ugovor između studenta i Univerziteta se zaključuje u pismenoj formi, prije početka akademske godine, te student potpisuje dokument zaduženja.

Član 10.

(1) Konkurs za prijem studenata u Dom sadrži:

- a) broj studenata koji se prema raspoloživim kapacitetima Doma može primiti u narednoj akademskoj godini
- b) uslove i kriterije za prijem studenata u Dom
- c) rok za podnošenje prijave na konkurs
- d) dokumentaciju koja se prilaže uz prijavu
- e) ostale potrebne informacije

(2) Uz prijavu na Konkurs kandidat je dužan dostaviti sljedeću dokumentaciju (original ili ovjerene kopije ne starije od 3 mjeseca):

- a) molba za prijem u Dom
- b) uvjerenje da je redovan student
- c) potvrdu o mjestu prebivališta, odnosno boravišta (CIPS)
- d) uvjerenje o prosječnoj ocjeni ostvarenoj u prethodnoj godini studija, odnosno svjedočanstva iz srednje škole i diploma o završenoj srednjoj školi za studenta prve godine studija
- e) uvjerenje o zajedničkom domaćinstvu (kućna lista)
- f) uvjerenje za članove užeg porodičnog domaćinstva koji se nalaze na evidenciji Zavoda za zapošljavanje

(3) Za ostvarivanje benefita pri bodovanju i rangiranju, student u zavisnosti o pripadnost nekoj od sljedećih kategorija, dostavlja dokaz (uvjerenje ili potvrdu) da je:

- a) bez roditeljskog staranja
- b) iz porodice šehida ili poginulog borca
- c) invalid ili da je uži član porodice invalida s procentom invalidnosti
- d) RVI ili član porodice ratnog vojnog invalida s procentom invalidnosti
- e) demobilisani borac oružanih snaga BiH ili član porodice demobilisanog borca oružanih snaga BiH (uža porodica)
- f) dobitnik nagrada u nastavnim i sportskim takmičenjima (na međunarodnim, državnim federalnim, kantonalnim takmičenjima)
- g) izbjeglo i raseljeno lice

Član 11.

(1) Prijave na konkurs s potrebnom dokumentacijom podnose se na protokol Univerziteta ili putem pošte.

Prijava i molba za prijem u Dom preuzimaju se na web stranici Univerziteta: www.unmo.ba.

(2) Student kojem je u tekućoj akademskoj godini izrečena disciplinska mjera za težu povredu obaveze nema pravo prijave na konkurs.

(3) Student koji do dana objavljivanja konkursa nije izmirio svoje ugovorene obaveze iz tekuće i prethodnih akademskih godina prema Domu nema pravo prijave na konkurs.

(4) Neblagovremene i nepotpune prijave neće se uzimati u razmatranje.

Član 12.

Student više studijske godine je u obavezi najkasnije do 15.10. tekuće godine priložiti uvjerenje o upisu na fakultet/univerzitetski studij u narednu akademsku godinu, a student prve godine studija prilikom predaje prijave na konkurs, u suprotnom, gubi pravo na smještaj.

Član 13.

(1) Postupak prijema studenata u Dom provodi komisija koju imenuje rektor Univerziteta.

(2) Komisija se sastoji od 3 (tri) člana, od kojih su 2 (dva) iz reda zaposlenika i 1 (jedan) iz reda studenata.

Član 14.

(1) Komisija vrši svoje nadležnosti na sjednicama koje saziva predsjednik Komisije.

(2) Komisija za bodovanje i rangiranje za prijem studenata prijavljenih za smještaj u Dom pregledava pristigle prijave studenata, sačinjava izvještaj i rang listu i objavljuje na web stranici Univerziteta i Doma.

(3) Na preliminarnu rang listu, kandidati imaju pravo pismenog prigovora u roku od tri dana od dana objave navedene liste, Komisiji za prijem studenata pismenim putem na protokol Univerziteta ili putem pošte.

4) Na prigovor iz prethodnog stava, rektor je obavezan donijeti odluku u roku od tri dana, nakon čega utvrđuje konačnu rang listu kandidata, koja se objavljuje na oglasnoj ploči i web stranici Doma i Univerziteta, s naznakom broja do kojeg su kandidati stekli pravo upisa.

Član 15.

(1) Na osnovu konačne Rang-liste zaključuje se Ugovor o prijemu studenta u Dom kojim se, u skladu s ovim Pravilnikom i drugim opštim aktom Univerziteta, bliže uređuju međusobna prava i obaveze Univerziteta i studenta.

SMJEŠTAJ STUDENATA U STUDENTSKE DOMOVE

Član 16.

(1) Na osnovu zaključenog Ugovora, a najkasnije u roku od 5 dana od dana njegovog zaključivanja, vrši se pojedinačno zaduživanje i useljavanje studenata u Dom.

(2) Ukoliko se u roku iz prethodnog stava ovog člana student ne javi u Dom radi zaduživanja i useljavanja smatrat će se da je otkazao Ugovor.

(3) U slučaju iz prethodnog stava, u daljem roku od 5 dana, u Dom će se primiti sljedeći student s konačne Rang liste.

(4) Danom useljenja u Dom student dobiva status studenta stanara Doma.

Član 17.

Student koristi Dom u skladu s Ugovorom.

Član 18.

(1) Student koji je smješten u Dom obavezan je plaćati usluge smještaja i ishrane u skladu s ovim Pravilnikom i Ugovorom.

Član 19.

(1) U slučaju da student ne koristi usluge smještaja u Domu duže od 8 dana uzastopno, dužan je o razlozima odsustva obavijestiti rukovodioca Doma u daljem roku od 3 dana.

(2) Ako student ne postupi u skladu sa stavom 1. ovog člana i po povratku ne pruži valjan dokaz o opravdanosti svog odsustva (bolest i sl.) ugovor se može otkazati.

OTKAZ UGOVORA

Član 20.

Ugovor o prijemu studenata u Dom otkazat će se:


- a) ako se student u utvrđenom roku ne javi radi zaduživanja i useljavanja
- b) ako studentu prestane status studenta na Univerzitetu
- c) ako mu bude izrečena disciplinska mjera isključenja iz studentskog doma ili mjera isključenja s fakulteta/univerzitetskog studija
- d) ako ne plati troškove smještaja i ishrane za prethodni mjesec u propisanom roku
- e) ako se ne pridržava Pravilnika o kućnom redu i miru, uslovima boravka studenata, disciplinskoj i materijalnoj odgovornosti i drugim pravima i obavezama korisnika smještaja u Domu
- f) u drugim slučajevima utvrđenim ovim Pravilnikom

PRELAZNE I ZAVRŠNE ODREDBE

Član 21.

Ovaj Pravilnik stupa na snagu danom donošenja, a primjenjivat će se od akademske 2025/2026. godine.

Predsjedavajuća Senata
Univerziteta „Džemal Bijedić“ u Mostaru



prof. dr. Alena Huseinbegović, rektorica



Broj: 101-1995-1/25

Datum: 29. maj 2025. godine

Ime (ime jednog roditelja) i prezime

Općina

Adresa prebivališta

Kanton

Broj mobitela (obavezno)

Entitet

Matični broj (JMBG)

Država

--	--	--	--	--	--	--	--	--	--	--	--	--	--	--

UNIVERZITET „DŽEMAL BIJEDIĆ“ U MOSTARU

STUDENSKI DOM “ANTALIJA”

PRIJAVA NA KONKURS

Prijavljujem se na Konkurs za prijem studenata u Studentski dom „Antalija“ Mostar objavljen u dnevnom listu _____ dana _____ radi studiranja na Univerzitetu „Džemal Bijedić“ u Mostaru, organizaciona jedinica/univerzitetski studij: _____ u akademskoj _____, godina studija _____ koju upisujem _____ put.

Uz potpisanu prijavu na Konkurs dostavljam sljedeću dokumentaciju (original ili ovjerene kopije ne starije od 3 mjeseca):

(zaokružiti dokumente koja se prilažu)

1. Molbu za prijem u Studentski dom,
2. uvjerenje o statusu redovnog studenta,
3. potvrdu o mjestu prebivališta, odnosno boravišta (CIPS),
4. uvjerenje o prosječnoj ocjeni ostvarenoj u prethodnoj godini studija, odnosno u svjedočanstva i diploma o završenoj srednjoj školi za studente prve godine,
5. uvjerenje o zajedničkom domaćinstvu (kućna lista),
6. uvjerenje za članove užeg porodičnog domaćinstva koji se nalaze na evidenciji Zavoda za zapošljavanje,
7. uvjerenje ili potvrda da je student bez roditeljskog staranja,
8. uvjerenje ili potvrda da je student iz porodice šehida ili poginulog borca,
9. uvjerenje ili potvrda da je student invalid ili da je uži član porodice invalida s procentom invalidnosti,
10. uvjerenje ili potvrda da je student
11. uvjerenje ili potvrda da je student demobilisani borac oružanih snaga BiH ili član porodice demobilisanog borca oružanih snaga BiH (uža porodica),

Obrazac 1-Prijava za prijem u Studentski dom "Antalija" Mostar

12. uvjerenje ili potvrda da je student dobitnik nagrada u nastavnim i sportskim takmičenjima (na međunarodnim, državnim federalnim, kantonalnim takmičenjima),
13. uvjerenje ili potvrda da je student izbjeglo i raseljeno lice,
14. nalaz ili mišljenje ljekara za studente koji apliciraju za jednokrevetnu sobu.

Mostar, _____ godine

Podnosilac prijave

/potpis/

Ime (ime jednog roditelja) i prezime

Općina

Adresa - Prebivalište

Kanton

Broj mobitela (obavezno)

Entitet

Matični broj (JMBG)

Država

--	--	--	--	--	--	--	--	--	--	--	--	--

UNIVERZITET „DŽEMAL BIJEDIĆ“ U MOSTARU

STUDENTSKI DOM „ANTALIJA“

MOLBA

Ovim putem obraćam se molbom za prijem u Studentski dom „Antalija“ u akademskoj _____ godini.

Naveći akademske godine ranijeg boravka u Studentskom domu „Antalija“: _____

Naveći da li ste spremni poštovati odredbe Pravilnika o kućnom redu i miru, uslovima boravka studenata, disciplinskoj i materijalnoj odgovornosti i drugim pravima i obavezama korisnika smještaja u sklopu Studentskog doma „Antalija“ Univerziteta „Džemal Bijedić“ u Mostaru tokom stanovanja u Studentskom domu „Antalija“, zaokružiti jedno:

1. DA
2. NE

Tip sobe (ukoliko bude moguće): Dvokrevetna / Jednokrevetna / Svejedno (zaokružiti jedno)

Naveći imena osoba sa kojima želite dijeliti apartman (ukoliko bude moguće):

Mostar, _____ godine

Podnosilac prijave

/potpis/